

# SHIRIKA LA POSTA TANZANIA



## JARIDA MAALUM

TOLEO LA APRILI - JUNI

2023



# **TIMU YA WAHARIRI**

## **MWENYEKITI**

Macrice D. Mbodo

**Postamasta Mkuu**

## **MRATIBU NA MHARIRI WA JARIDA**

Elia P.K. Madulesi

Mkuu Wa Kitengo cha Mawasiliano na Mambo ya Posta Kimataifa

## **MSANIFU WA JARIDA**

Khadija M. Suedi

## **WAHARIRI**

Mashala Lufunga

Jane Sallu

Rachel Kitinya

Loema Joseph

# YALIYOMO

Kutoka Mezani kwa Postamasta Mkuu.....	i
Matukio ya Mei Mosi katika picha .....	1
Posta Yashiriki Maonesho ya Huduma za Mawasiliano.....	10
Uwasilishwaji wa Bajeti ya Wizara ya Habari,Mawasiliano na Teknolojia ya Habari Bungeni.....	12
Kikao kazi cha Makatibu Muhtasi Zanzibar.....	14
Mafunzo ya Mfumo wa Usimamizi wa Ubora(ISO).....	16
Kikao cha Bodi ya Shirika.....	18
Kikao cha 35 cha Baraza la Majadiliano.....	20
Posta yashiriki Mbio za Dodoma Marathoni (Dodoma Capital City Marathoni).....	22
NaPA yaendesha Mafunzo kwa wenyeviti wa Serikali za Mitaa,Watendaji wa Kata na Wakusanya Taarifa za Anwani za Makazi.....	23
Posta yashiriki Maonesho ya kudhibiti na Kupiga Vita Matumizi na Biashara ya Dawa za Kulevyta Duniani.....	26
Posta yashiriki Kilele cha Maadhimisho ya kudhibiti na Kupiga Vita Matumizi na Biashara ya Dawa za Kulevyta Duniani.....	27
Posta yashiriki Mkutano Mkuu wa 25 wa Taasisi za Mawasiliano Afrika Mashariki(EACO).....	29
Historia ya Shirika la Posta.....	30
PAPU yakamilisha Ujenzi wa Makao Makuu Arusha.....	32

# KUTOKA MEZANI KWA POSTAMASTA MKUU



## Macrice Daniel Mbodo Postamasta Mkuu.

Katika kipindi hiki cha mabadiliko ya Teknolojia, maisha yetu yameunganishwa zaidi na mifumo ya kidijiti, kupitia habari, mawasiliano, biashara na huduma. Katika utoaji huduma bora na za kuaminika, Shirika la Posta Tanzania (TPC) limezingatia mabadiliko hayo, kupitia rasilimali watu, vifaa na usafirishaji.

Ili kuboresha na kutoa huduma bunifu, Shirika lilipitia vipindi mbalimbali vya mabadiliko hayo kwa kubadili teknolojia ndani ya mifumo yake ya huduma, kuongeza vitendea kazi vya kisasa vya teknolojia na usafirishaji, kuajiri nguvu kazi yenye ujuzi wa teknolojia ya habari na mawasiliano, sambamba na kuleta vifaa vya kisasa vya kutunza usalama wa huduma zetu.

Mbali na kuhudumia jamii kwa njia ya mawasiliano na usafirishaji, Posta imekuwa mdau muhimu wa sekta ya Afya, kwa kusafirisha vifaa tiba na sampuli za maabara kwa kushirikiana na Wizara ya afya na taasisi mbalimbali za tiba, pamoja na kutoa huduma za bima za maisha, na bima za vyombo vya moto kwa kishirikiana na kampuni za bima nchini.

Kiuchumi, Posta imekuwa mshirika mkubwa wa kutoa huduma za kifedha katika ofisi zake nchi nzima kwa kushirikiana na taasisi za kifedha zilizoliamini shirika hili, na kuona fursa ya kuutumia mtandao mkubwa wa posta wenye uwezo wa kuwafikia wananchi wengi zaidi hasa maeneo yasiyofikika kirahisi. Mifumo rafiki ya kiteknolojia imewezechesha huduma za kifedha kupatikana na kufanikiwa ndani ya ofisi za posta.

Baada ya kushuhudia mabadiliko ya kidijiti, yanayoifanya dunia kuwa kiganjani, Posta iliamua kuanzisha duka mtandao linalopatikana kiganjani kupitia tovuti ya [www.postashoptz.post](http://www.postashoptz.post) ambapo kwa simu ya mkononi au kompyuta mpakato, mtu yoyote anaweza kutembelea, kuchagua bidhaa, kununua na kusafirishiwa mpaka mahali alipo kupitia njia za usafiri wa Posta.

Mbali na kutoa huduma ndani ya nchi, Shirika hili linatoa huduma nje ya mipaka ya nchi kupitia mtandao mpana wa Umoja wa Posta Duniani (UPU) unaouanganisha nchi 192 zinazotoa huduma za posta duniani. Shirika linasafirisha vifurushi, nyaraka, barua na vipeto kwenda nchi mbalimbali duniani kupitia huduma ya EMS (usafirishaji wa haraka) na huduma nyingine za posta. Kupitia njia za kidijitali mashirika ya posta yameunganishwa na mifumo ya forodha iliyoidhinishwa na Umoja wa Posta Duniani inayowezesha mashirika ya posta ya kikanda na kimataifa kushirikiana kibiasara na kihuduma.

Pamoja na kwamba Posta ni watoa huduma kwa jamii lakini pia ni walinda usalama wa jamii yetu, kupitia vifaa vyetu vya usalama vilivyofungwa mahsusii kuilinda jamii dhidi ya madawa ya kulevyia na usafirishaji wa madawa yasiyofaa kwa binandamu.

Kwa kumalizia, mapinduzi ya kidijitali yameleta fursa kubwa kwa Mashirika ya Posta kukusanya taarifu muhimu na sahihi za wateja wetu zilizoleta mabadiliko katika huduma zetu. Hivyo nitumie fursa hii kuwashukuru wateja wetu na wananchi kwa ujumla kwa kuendelea kuliamini na kulitumia shirika hili kwa shughuli zao za kila siku. Aidha, Shirika linatoa shukurani za dhati kwa Serikali ya Jamhuri ya Muungano wa Tanzania, kupitia Wizara ya Habari, Mawasiliano na Teknolojia ya Habari kwa kuliwekea Shirika hili mazingira wezeshi na rafiki ili liweze kutekeleza majukumu yake ya kila siku kwa ufanisi.

**Posta, Twenzetu kidijitali!!**

 **Posta**  
Let's Go!

# MAADHIMISHO YA MEI MOSI 2023

## POSTA ILIVYOSHIRIKI MEI MOSI .

Shirika la Posta Tanzania lilishiriki Maadhimisho ya Siku ya Wafanyakazi Duniani yajulikanayo kama Mei Mosi, ambayo kitaifa yalifanyika Mkoani Morogoro.

Maadhimisho hayo yenyewe kauli mbiu inayosema "*Mishahara Bora na Ajira za Staha ni Nguzo kwa Maendeleo ya Wafanyakazi Wakati ni Sasa*" yalianzia viwanja vya Shule ya Sekondari Morogoro na kuhitimishwa katika viwanja vya Jamhuri ambako ndiko kilele cha maadhimisho hayo yalipofanyika.

Mgeni Rasmi katika maadhimisho hayo alikuwa ni Rais wa Jamhuri ya Muungano wa Tanzania Mheshimiwa. Dkt. Samia Suluhu Hassan.



# MAADHIMISHO YA MEI MOSI 2023

## ARUSHA



## KIGOMA



# MAADHIMISHO YA MEI MOSI 2023

DAR ES SALAAM



MBEYA



# MAADHIMISHO YA MEI MOSI 2023

## SINGIDA



## KILMANJARO



# MAADHIMISHO YA MEI MOSI 2023

## ZANZIBAR



## LINDI



# MAADHIMISHO YA MEI MOSI 2023

## TANGA



## TABORA



# MAADHIMISHO YA MEI MOSI 2023

## KAGERA



## MTWARA



# MAADHIMISHO YA MEI MOSI 2023

MARA

KIGOMA




DODOMA



RUKWA





[www.posta.co.tz](http://www.posta.co.tz)

JIPATIE BIDHAA YOYOTE  
KUPITIA [www.postashoptz.post](http://www.postashoptz.post)

**MAONESHO YA HUDUMA ZA MAWASILIANO YALIYOENDA SAMBAMBA  
NA HAFLA YA UTIAJI SAINI MIKATABA YA KUPELEKA HUDUMA ZA  
MAWASILIANO VIJIJINI.**



Mbunge wa Jimbo la Kyela Mhe. Ally Mlaghila (kushoto) akipokea zawadi kutoka kwa Meneja Mkuu Uendeshaji Biashara za Shirika Bw. Constantine Kasese.



Mkurugenzi Mkuu wa TTCL (kushoto) Mhandisi Peter Ulanga akipokea zawadi kutoka kwa Meneja Mkuu Uendeshaji Biashara za Shirika Bw. Constantine Kasese.





# PICHA NA MATUKIO



## **UWASILISHWAJI WA MAKADIRIO YA BAJETI YA MAPATO NA MATUMIZI YA WIZARA YA HABARI , MAWASILIANO NA TEKNOLOJIA YA HABARI.**



*Picha ya pamoja ya Waziri wa Habari, Mawasiliano na Teknolojia ya Habari Mhe. Nape Nnauye (Mb) (katikati) na Wakuu wa Taasisi zilizopo chini ya Wizara hiyo Bungeni wakiwa katika uwasilishwaji wa makadirio ya Bajeti ya Wizara ya Habari, Mawasiliano na Teknolojia ya Habari jijini Dodoma.*



*Mwenyekiti wa Bodi ya Shirika la Posta Tanzania Brig. Jenerali (Mstaafu) Yohana Ocholla Mabongo (wa kwanza kushoto) akiambatana na Postamasta Mkuu wa Shirika hilo Bw. Macrice Mbodo Bungeni wakiwa katika uwasilishwaji wa makadirio ya Bajeti ya Wizara ya Habari, Mawasiliano na Teknolojia ya Habari jijini Dodoma.*

*Waziri wa Habari, Mawasiliano na Teknolojia ya Habari, Mhe. Nape Nnauye (Mb) (kushoto) akisalimiana na Postamasta Mkuu wa Shirika la Posta Tanzania Bw. Macrice Mbodo wakati wa uwasilishwaji wa makadirio ya Bajeti ya Wizara hiyo jijini Dodoma.*

# PICHA NA MATUKIO



**Waziri wa Habari, Mawasiliano na Teknolojia ya Habari, Mhe. Nape Nnauye(Mb) akipokea zawadi kutoka kwa Postamasta Mkoo wa Shirika la Posta Tanzania Bw. Macrice Mbodo alipotembelea banda la maonesho ya Wizara hiyo na Taasisi zake baada ya uwasilishwaji wa makadirio ya Bajeti ya Wizara hiyo jijini Dodoma.**



**Spika wa Bunge la Jamhuri ya Muungano wa Tanzania Mhe. Dkt. Tulia Ackson(Mb) (kulia) akipokea zawadi kutoka kwa Meneja Masoko wa Shirika la Posta Tanzania Bw. Amos Milinga Pamoja na Mkoo wa Kitengo cha Mawasiliano na Uhusiano Kimataifa Bw. Elia Madulesi alipotembelea banda la Shirika hilo wakati wa Maonesho ya kuelekea kusomwa kwa Bajeti ya Wizara ya Habari, Mawasiliano na Teknolojia ya Habari jijini Dodoma.**



**Mtendaji Mkoo wa Mfuko wa Mawasiliano kwa wote (UCSAF) Bi. Justina Mashimba (kulia) akiwa na Mkoo wa Kitengo cha Mawasiliano na Uhusiano Kimataifa Bw. Elia Madulesi wakati alipotembelea banda la Shirika la Posta Tanzania wakati wa Maonesho ya kuelekea kusomwa kwa Bajeti ya Wizara ya Habari, Mawasiliano na Teknolojia ya Habari jijini Dodoma.**



**Katibu Mkoo wa Wizara ya Habari, Mawasiliano na Teknolojia ya Habari Bw. Mohammed Khamis Abdulla akipokea zawadi kutoka kwa Postamasta Mkoo wa Shirika la Posta Tanzania Bw. Macrice Mbodo alipotembelea banda la maonesho ya Wizara hiyo na Taasisi zake baada ya uwasilishwaji wa makadirio ya Bajeti ya Wizara hiyo jijini Dodoma.**



**Naibu Waziri Ofisi ya Rais Menejimenti ya Utumishi wa Umma na Utawala Bora Mhe. Ridhiwani Kikwete(Mb) akipokea zawadi kutoka kwa Postamasta Mkoo wa Shirika la Posta Tanzania Bw. Macrice Mbodo.**



**Mwenyekiti wa Kamati ya kudumu ya Bunge ya Miundombinu Mhe. Selemani Kakoso (Mb) (kushoto) akipokea zawadi kutoka kwa Mwenyekiti wa Bodibrig Jenerali (Mstaafu) Yohana O. Mabongo pamoja Postamasta Mkoo Bw. Macrice Mbodo.**



## **MHESHIMIWA DKT. SAMIA SULUHU HASSAN AFUNGA RASMI MKUTANO MKUU WA KITAALUMA WA MAKATIBU MUHTASI TANZANIA NA MENEJIMENTI YA WATUNZA KUMBUKUMBU NA NYARAKA- VIWANJA VYA FUMBA, ZANZIBAR.**

Rais wa Jamhuri ya Muungano wa Tanzania, Mheshimiwa Dkt. Samia Suluhu Hassan, tarehe 27 May, 2023 alifunga rasmi mafunzo ya Makatibu Muhtasi na watanza kumbukumbu na Nyaraka kwenye viwanja vya Fumba kisiwani Zanzibar. Mkutano huo wa mafunzo ya kitaaluma yaliyokuwa yakifanyika katika ukumbi wa mikutano wa Dkt. Ali Mohamed Shein uliopo Chuo kikuu cha Zanzibar (SUZA) yalianza tarehe 23 na kuhitimishwa tarehe 27 Mei, 2023.

Mkutano huo wa wataalamu ambao ulikuwa wa siku tano ulifunguliwa na Mwenyekiti wa Baraza la Mapinduzi na Rais wa Zanzibar Mheshimiwa Dkt. Hussein Ali Mwinyi tarehe 23 Mei, 2023 Zanzibar. Mafunzo hayo yalikuwa na kauli mbiu "*Nidhamu, Uadilifu na Utunza Siri sehemu za Kazi ni Chachu ya Maendeleo kitaaluma*".

Wakati akifunga mkutano huo katika viwanja vya Fumba Mheshimiwa Rais Dkt Samia amewataka wanataaluma hao kuzingatia weledi wa taaluma zao kwa kushirikiana katika utekelezaji wa majukumu yao kama walivyoapa, Pia aliwataka wanataaluma hao kuendelea kuzingatia miongozo na mipaka ya kiutendaji.

Shirika la Posta Tanzania liliwakilishwa katika Mkutano huo na Makatibu Muhtasi sita na watanza kumbukumbu na Nyaraka watatu ambao walishiriki Mkutano Mkuu huo wa Kumi wa Makatibu Mahsusi Tanzania uliofanyika kwa siku tano

Washiriki hao walikula kiapo cha utunzaji siri ambapo zoezi hilo lilitanywa na Wakili wa Serikali Ndugu Faraji Robert Ngukha na kushuhudiwa na Rais wa Jamhuri ya Muungano wa Tanzania Mheshimiwa Dkt. Samia Suluhu Hassan.



[www.posta.co.tz](http://www.posta.co.tz)



**KODISHA GARI LA KUSAFIRISHIA MIZIGO YAKO**





## POSTA YATAKIWA KUZINGATIA UBORA WA UTOAJI WA HUDUMA.

Postamasta Mkuu wa Shirika la Posta Tanzania, Macrice Mbodo, aliwataka washiriki wa Mafunzo ya Mfumo wa Usimamizi wa Ubora (ISO), kuhakikisha Shirika linanufaika kwa washiriki hao kupata mafunzo hayo ambayo yakifanyiwa kazi yataliwezesha Shirika hilo kutambulika katika utoaji wa huduma bora ndani na nje ya nchi.

Postamasta Mkuu aliyasema hayo tarehe 8 Mei 2023 wakati akifungua mafunzo ya mfumo wa usimamizi wa ubora wa ISO 9001:2015 kwa wawakilishi wa mikoa yote nchini katika mafunzo ya ISO yaliyofanyika katika ofisi za Shirika la Posta Tanzania, mkoani Morogoro.

"Malengo yaliyopo kwa sasa ni kuhakikisha Taasisi yetu inatambulika ndani na nje ya Nchi kama mtoa huduma bora kwa wateja wake pamoja na kupata cheti cha ubora cha ISO 9001 cha mwaka 2015, sambamba na kupata cheti cha ubora cha Umoja wa Posta Duniani". Alisema Postamasta Mkuu.

Aidha aliongeza kuwa, Shirika lipo katika utekelezaji wa Mpango Mkakati wa Nane wa Biashara ambao umelenga kuendana na mabadiliko ya teknolojia na kuimarishta ubora wa huduma. Mpango mkakati huu unalenga kulifanya Shirika la Posta kuwa la kidigitali kwa biashara endelevu, huku mojawapo ya shabaha katika mkakati huo ni kupata cheti cha mfumo wa usimamizi wa ubora wa ISO 9001:2015, ambacho kitakuwa ni kielelezo cha kuonesha Shirika linatoa huduma zinazokidhi viwango vya kimataifa.

Naye Mkuu wa Kitengo cha Tija, David Andrea ambaye ni Mkufunzi wa mafunzo hayo, alieleza mambo yatakayojadiliwa katika kikao kazi hicho cha siku tano ikiwemo, mahitaji ya mfumo wa usimamizi wa ubora wa ISO 9001:2015,

Pia, kuandaa daftari la vihatarishi vya malengo kwa ngazi ya mikoa ambalo ni mojawapo ya hitaji kubwa la upatikanaji wa cheti hiki cha usimamizi wa ubora wa ISO na mada ya tatu ni namna sahihi ya kukusanya takwimu mbalimbali za ubora wa huduma na takwimu za Shirika, pamoja na kufanya mazoezi ya namna bora za kukusanya taarifa za Nje (EMS) na taarifa za Ndani (Barua za Kawaida).

Akizungumza katika kikao kazi hicho, Meneja wa Posta Mkoo wa Morogoro, Magreth Mlyomi alimshukuru Postamasta Mkuu kwa kufungua kikao kazi hicho huku akiwataka washiriki kuzingatia yatakayofundishwa ili yafanyiwe kazi na hatimaye kuongeza mapato ya Shirika kutokana na ongezeko la wateja watakaoridhishwa na huduma zinazotolewa, ikiwemo kuwapa taarifa za maulizo yao kwa weledi, usahihi na kushughulikia malalamiko yao kwa wakati.

Mafunzo hayo ya siku tano, ni mwendelezo wa mafunzo mbalimbali yanayotolewa na Shirika hilo ili kuboresha huduma zake na kukidhi matakwa ya wateja.



## PICHA NA MATUKIO





**Mwenyekiti wa Bodi ya Wakurugenzi Shirika la Posta  
Tanzania Brigedia Jeneral (Mstaafu) Yohana Ocholla  
Mabongo pichani akiwa katika kikao cha Bodi katika ukumbi  
wa mikutano wa Bodi Makao Makuu ya Shirika hilo Jijini Dar  
es Salaam tarehe 12 Mei, 2023.**

## **BODI YA WAKURUGENZI YAITAKA MENEJIMENTI NA WAFANYAKAZI WA POSTA KUONGEZA UGANISI KATIKA KAZI.**

- Yapitisha pendekezo la kuongeza Mishahara kwa hatua zaidi za kibali cha Ofisi ya Msajili wa Hazina na ofisi ya Rais Utumishi kabla ya utekelezaji wake.
- Yaonesha kutokuridhishwa na mwenendo wa mapato ya Shirika.

Bodi ya Wakurugenzi ya Shirika la Posta Tanzania ilielekeza Menejimenti na wafanyakazi wa Shirika la Posta Tanzania kuongeza ufanisi wa utendaji na usimamizi wa majukumu ya Shirika ili kuongeza mapato ya Shirika ambayo yataenda sambamba na ongezeko la mishahara kwa Wafanyakazi.

Maelekezo hayo yalitolewa tarehe 12 Mei, 2023 wakati Bodi hiyo ikihitimisha vikao vyake sambamba na kupokea taarifa ya utendaji ya Shirika la Posta kwa kipindi cha robo tatu ya mwaka wa fedha 2022/2023, katika ukumbi wa mikutano wa Bodi Makao Makuu ya Shirika hilo Jijini Dar es Salaam.

Katika kupitia taarifa ya utendaji bodi ilipongeza mikoa ya Zanzibar, Dodoma, na Mara kwa utendaji wake bora na kusisitiza Mikoa ya Lindi, Tabora, na Ruvuma waongeze bidii kwenye uzalishaji maana utendaji wao hauridhishi.

Aidha, katika vikao vya Kamati za Bodii vilivyoanza tarehe 9 Mei, 2023 vilivyoohusisha Menejimenti ya Shirika la Posta, vilijadili na kupitisha maamuzi ya kuboresha maslahi ya Wafanyakazi wake sambamba na kuweka mazingira wezeshi kwa wafanyakazi huku Bodii ikisisitiza kuongeza juhudii na ari katika utendaji kazi ili kuwezesha kupandisha mishahara.

Katika hatua nyingine, Bodii ya Wakurugenzi ilionesha kutoridhishwa na mwenendo wa mapato ya Shirika, ambapo hadi 31 Machi, 2023. Malengo ya mwaka ya mapato ya biashara yamefikiwa kwa asilimia 53% tu, na faida ya 51% kwa kupindi cha Julai-Machi, 2022/2023, na katika robo ya tatu Januari-Machi, 2023 mapato ya Shirika yalikuwa 67% na faida 20% hivyo kuitaka Menejimenti kuhakikisha hadi kufikia tarehe 30 Juni, 2023 mapato ya biashara zote yasiwe chini ya asilimia 80%.

Katika kuhitimisha kikao chao, Bodii iliridhia mapendekezo ya kuongeza mishahara kama kichocheo cha kuboresha utendaji kazi, hivyo mapendekezo hayo yaendelee kwa hatua za juu kuanzia Msajili wa Hazina na ofisi ya Rais Utumishi ili kuweza kupata idhini ya ongezeko la mishahara na kuongeza chachu ya kiutendaji kazi kwa weledi na ufanisi.

Bodi ilisisitiza Menejimenti kuongeza uzalishaji wa mapato kwa kutoa huduma bunifu zinazokidhi mahitaji ya sasa ya wateja wa soko la sasa.



# PICHA NA MATUKIO



Mjumbe wa Bodi ya Wakurugenzi wa Shirika la Posta Tanzania Bw. Chobo Paul Seleli akitoa wasilisho katika kikao cha Bodi katika ukumbi wa mikutano wa Bodi Makao Makuu ya Shirika hilo Jijini Dar es Salaam tarehe 12 Mei, 2023



Mjumbe wa Bodi ya Wakurugenzi wa Shirika la Posta Tanzania Bw. Meshack Joram Anyingisye akiteta jambo na Postamasta Mkuu wa Shirika hilo Bw. Macrice Mbodo katika kikao cha Bodi ukumbi wa mikutano wa Bodi Makao Makuu ya Shirika hilo Jijini Dar es Salaam tarehe 12 Mei, 2023



# POSTAMASTA MKUU AFUNGUA KIKAO CHA BARAZA LA MAJADILIANO MJINI MOROGORO.



Postamasta Mkuu wa Shirika la Posta Tanzania Bw. Macrice Mbodo akifungua kikao cha Baraza la Majadiliano la 35 la Shirika ambacho kilichoanza tarehe 08 Juni, 2023.

Kikao hicho ambacho kiliendelea hadi tarehe 09 Juni, 2023 kilifanyika katika ukumbi wa mikutano wa Hotel ya Tex Palace mjini Morogoro.

Baraza hilo hufanyika kila mwaka kwa malengo ya kujadiliana, kukubaliana na kushauriana kwa pamoia namna mbalimbali za kuboresha ufanisi wa ustawi wa maslahi ya wafanyakazi katika Shirika hususan katika kuboresha utendaji kazi unaoleta tija ya maendeleo ya Taifa letu.

Akifungua kikao hicho Bwana Mbodo aliwashukuru viongozi kujenga mahusiano mazuri mahali pa kazi ili kuongeza ufanisi wa Kazi utakaosababisha kufikiwa kwa malengo ya Shirika. Aidha, alikazia kuwa mahusiano mazuri yatawezesha kuwa na mijadala yenye tija na kuwezesha kuboresha maslahi kwa watumishi.

"Mijadala yenu ijkite zaidi kwenye namna ya kuboresha ufanisi wa ustawi wa maslahi ya wafanyakazi katika shirika" alisisitiza Mbodo.

Aidha, Postamasta Mkuu alitumia fursa hiyo kuelezea jinsi Serikali ya awamu ya sita chini ya Rais wa Jamhuri ya Muungano wa Tanzania Dkt. Samia Suluhu Hassan inavyoendelea kuliboresha Shirika la Posta kwa kutoa mtaji wa shillingi Billioni 3.25 kwa ajili ya kuimarisha Shirika katika upatikananji wa vitendea kazi na mifumo ambayo itaboresha utoaji huduma zetu kwa wananchi na kuleta maendeleo katika Taifa.

Vilevile, Postamasta Mkuu Bw. Mbodo alieleza baadhi ya mambo yaliyotokea tangu Baraza hilo lilipokutana mara ya mwisho, ikiwemo Shirika kupata Bodi mpya ya Wakurugenzi, Shirika kufanikiwa kukabidhiwa uendeshaji wa Mradi wa Anwani za Makazi, kufanikiwa kuingia mkataba wa upembuzi yakinifu kuhusu uanzishwaji wa maghala ya kuhifadhiwa bidhaa za biashara mtandao na kupata Biashara mpya ya "Posta Insurance" ambapo Shirika litakuwa Broker na inatarajiwa kuzinduliwa hivi karibuni.

Aidha, Postamasta Mkuu alibainisha licha kuwa na mafanikio kwenye utendaji wa kazi bado kuna changamoto kadhaa ambapo moja ya changamoto kubwa ni kukosekana kwa uwajibikaji kwa watumishi kwenye maeneo mbalimbali. Hivyo, aliwaasa wajumbe wa Baraza kuwa na bidii na uwajibikaji na kueleza kuwa kutokana na mabadiliko ya Muundo wa Shirika ambayo yataanza kutekelezwa hivi karibuni kutakuwa na mabadiliko ya utendaji na usimamizi wa kazi ili kuongeza uwajibikaji.

Katika hatua nyingine, Mbodo aliwashukuru Wafanyakazi wote wa Shirika la Posta kote nchini pamoja na Viongozi wote wa Vyama vya Wafanyakazi kwa mchango wao mkubwa wanaoendelea kutoa katika mageuzi ya Shirika yanayoendelea ya kuhakikisha huduma bora za Shirika zinatolewa kwa namna bora ndani na nje ya nchi.

Naye Mwenyekiti wa Baraza la Majadiliano la Shirika la Posta Tanzania, Bwana Omari M. Dibibi alimpungeza Postamasta Mkuu kwa utendaji kazi wake na kumshukuru kwa kukubali kufungua kikao hicho na kumuahidi kuendesha kikao hicho kwa weledi na tija ili kuleta matokeo chanya kwa Shirika na Taifa letu kwa ujumla kama iliyokusudiwa.



# PICHA NA MATUKIO



Postamasta Mkuu wa Shirika la Posta Tanzania Bw. Macrice Mbodo (kulia) akiteta jambo na Meneja Rasilimali za Shirika Bw. Samwel Aron Oyye wakati wa ufunguzi wa kikao cha Baraza la Majadiliano la 35 la Shirika hilo tarehe 08 Juni, 2023 Mjini Morogoro.



Postamasta Mkuu wa Shirika la Posta Tanzania Bw. Macrice Mbodo (kulia) akiteta jambo na Meneja Rasilimali watu Bw. Amwesiga Kamihanda wakati wa ufunguzi wa kikao cha Baraza la Majadiliano la 35 la Shirika hilo tarehe 08 Juni, 2023 Mjini Morogoro.



Picha ya pamoja ya Postamasta Mkuu wa Shirika la Posta Tanzania Bw. Macrice Mbodo akiwa na Baadhi ya Viongozi Waandamizi wa Shirika hilo wakati wa ufunguzi wa kikao cha Baraza la Majadiliano la 35 la Shirika hilo tarehe 08 Juni, 2023 Mjini Morogoro.

# POSTA YASHIRIKI MBIO ZA MARATHON JIJINI DODOMA (DODOMA CAPITAL CITY MARATHON)



Meneja wa Posta Mkoa wa Dodoma Bw. Dongwe James Dongwe pamoja Watumishi wa Posta mkoa wa Dodoma walishiriki mbio za Marathon zifulikanazo Kama CAPITAL CITY MARATHON DODOMA, mbio hizi ziliwa kwa umbali wa km 21, km10 na km5. Ambapo mgeni rasmi alikuwa Spika wa Bunge la Jamhuri ya Muungano Tanzania Dr. Tulia Ackson

Ushiriki wetu ulikuwa na malengo makuu mawili kwanza kujenga na kuimarisha afya zetu pili kujitangaza kama shirika.



Dereva wa Posta Mkoani Dodoma Ndg. Shaban Ally aliposhiriki katika mbio za Marathon jijini Dodoma.



Meneja wa Posta Mkoa wa Dodoma Ndg. Dongwe James Dongwe (aliyechuchumaa kulia) akiambatana na Wafanyakazi wa Posta Mkoani humo katika mbio za Marathon jijini Dodoma.

**MENEJA WA POSTA MKOA WA DAR ES SALAAM ASHIRIKI HAFLA YA KUFUNGA MAFUNZO KWA  
WENYEVITI WA SERIKALI ZA MITAA, WATENDAJI WA KATA NA MITAA NA WAKUSANYA TAARIFA ZA  
ANWANI ZA MAKAZI JIJINI DAR ES SALAAM**



Ndugu Arubee Ngaruka, Meneja wa Posta Mkoa wa Dar es Salaam kwa niaba ya Postamasta Mkuu Macrice Mbodo alishiriki kwenye hafla ya kufunga mafunzo tajwa na aliwasihii wananchi kutumia Anwani za Makazi kila wanapohitaji kufikisha bidhaa na mali zao mahali watakapo ili kuepuka usumbufu na upotevu wa mali hizo pindi wanapotoa taarifa zisizo sahihi kuhusu mahali walipo,

Meneja Ngaruka kwa niaba ya Postamasta Mkuu alisisitiza kuwa Shirika lipo tayari wakati wote kutoa huduma za usafirishaji kwa gharama nafuu na kwa ufanisi mkubwa.

Vilevile, Meneja Ngaruka alitumia fursa hiyo kuelezea huduma za Posta na namna Anwani za Makazi zinavyosaidia katika kurahisisha utoaji huduma wa Shirika hilo.

"Shirika la Posta Tanzania lina Duka Mtandao ambalo linapatikana kuititia tovuti ya [www.postashoptz.post](http://www.postashoptz.post) na linalopatikana kwa lugha zaidi ya 20 na pia linawezesha kufanya malipo kwa fedha za kigeni zaidi ya aina 20 ambazo zitamwezesha mwananchi kuuza na kununua bidhaa kwa njia rahisi popote duniani na kwa fedha za mataifa mbalimbali alisema Bwana Ngaruka".

"Kuwa na Anwani za Makazi kunasaidia sana Shirika kumfikishia mwananchi bidhaa yake mpaka mahali alipo aliongeza."

Hafla hiyo ilishereheshwa na kufungwa rasmi tarehe 20/06/2023 katika Halmashauri ya Manispaa ya Ubungo kwenye Ukumbi wa La Dariot na Mkuu wa Wilaya ya Ubungo Mhe. Komba Hashim Komba kwa niaba ya Mkuu wa Mkoa wa Dar es Salaam Mhe. Albert Chalamila.



Mkuu wa Wilaya ya Ubungo Mhe. Komba Hashim Komba aliambatana na Katibu Tawala wa Wilaya ya Ubungo Nd. Hassan Mohamed Mkwawa, Pamoja na Mratibu wa Anwani za Makazi kitaifa Mhandisi Jampyon Mbugi aliywakilisha Katibu Mkuu wa Wizara ya Habari, Mawasiliano na Teknolojia ya Habari.

Mafunzo hayo yanalenga kuwajengea uwezo Wataalamu wa TEHAMA wa Mkoa wa Dar es Salaam, Wenyeviti wa Serikali za Mitaa, Watendaji wa Kata na Mitaa pamoja na wakusanya taarifa za Anwani za Makazi Halmashauri ya Manispaa ya Ubungo watakaosaidia katika zoezi la kuhakiki na kuboresha taarifa za Anwani za Makazi.

Aidha, Mhe. Komba aliwasihii watendaji hao kuyatumia vyema mafunzo waliyoyapata katika kuwasaidia wakazi wa Ubungo, ili kila mmoja apate fursa ya kufahamu Anwani yake ya Makazi na isajiliwe kwenye Mfumo huu ambaa ni Mfumo wa Msingi wa Utambuzi ndani ya Nchi yetu.

"Tunayo matarajio makubwa kwenu na tunaamini mtafanya kazi hiyo kwa uzalendo na weledi mkubwa huku mkitanguliza maslahi ya nchi yetu katika kuhakikisha malengo yaliyokusudiwa yanafikiwa alisema Ndugu Komba". "Sitarajii kusikia wala kuona mkwamo wowote katika jambo hili, na hatutakubaliana na yeoyote atakayetaka kukwamisha au kufifisha juhudzi za Serikali katika suala hili, aliongeza".



# PICHA NA MATUKIO



Mratibu wa Anwani za Makazi Kitaifa  
Mhandisi Jampyon Mbugi akitoa wasilisho  
wakati wa hafla ya kufunga mafunzo kwa  
wevyeviti wa Serikali za Mitaa, Watendaji wa  
Kata na Mitaa na wakusanya taarifa wa  
Anuani za Makazi jijini Dar es salaam.



Baadhi ya washiriki walioshiriki katika  
hafla ya kufunga mafunzo kwa wevyeviti  
wa Serikali za Mitaa, Watendaji wa Kata  
na Mitaa na wakusanya taarifa wa Anuani  
za Makazi jijini Dar es salaam.



Picha ya Pamoja ya Mkuu wa  
Wilaya ya Ubungo Mhe. Komba  
Hashim Komba na Baadhi ya  
Viongozi walioshiriki katika hafla ya  
kufunga mafunzo kwa wevyeviti wa  
Serikali za Mitaa, Watendaji wa  
Kata na Mitaa na wakusanya taarifa  
wa Anuani za Makazi jijini Dar es

[www.posta.co.tz](http://www.posta.co.tz)

 **Posta**  
Let's Go!



**SAFIRISHA MZIGO WAKO**

**KWA USALAMA NA UHAKIKA**



## MAADHIMISHO YA KITAIFA YA KUDHIBITI NA KUPIGA VITA MATUMIZI NA BIASHARA YA DAWA ZA KULEVYA DUNIANI



Mkuu wa Kitengo cha Usalama Bi. Zuhura Adam Pinde akiambatana na Afisa Usalama wa Shirika la Posta Tanzania Bw. Akida Ramadhan Njama wakitembelea banda la Zimamoto katika Maadhimisho ya kitaifa ya Kudhibiti na kupiga vita matumizi na Biashara ya dawa za kulevya Duniani tarehe 24 Juni,2023 jijini Arusha.



Meneja wa Posta Mkoza Arusha Bw. Athumanii Msilikale (aliyevaa miwani) akielezea huduma za Posta kwa Wateja katika Maadhimisho ya kitaifa ya Kudhibiti na kupiga vita matumizi na Biashara ya dawa za kulevya Duniani tarehe 24 Juni,2023 jijini Arusha.





## **DKT. SAMIA AFUNGA MAADHIMISHO YA KITAIFA YA KUDHIBITI NA KUPIGA VITA MATUMIZI NA BIASHARA YA DAWA ZA KULEVYA DUNIANI**

Rais wa Jamhuri ya Muungano wa Tanzania, Mheshimiwa Dkt. Samia Suluhu Hassan, tarehe 25 Juni, 2023 alifunga rasmi maadhimisho ya maonesho ya Kitaifa ya kudhibiti na kupiga vita matumizi na biashara ya dawa za kulevya duniani.

Maadhimisho hayo ya siku tatu yaliyofanyika katika viwanja vya Sheikh Amri Abeid, jijini Arusha, yalifikia kilele chake huku yakiwa na kauli mbiu isemayo **"Zingatia utu, Imarisha Huduma za Kinga na Tiba"**.

Wakati akifunga maadhimisho hayo, Mheshimiwa Dkt Samia amewataka Maafisa wa Vitengo wa Mamlaka za kudhibiti dawa za kulevya nchini, wazingatie weledi na uadilifu katika utekelezaji wa majukumu yao ili kuteketeza matumizi ya dawa hizo na kuwaasa wale wanaolima mimea hiyo kuacha mara moja, na badala yake walime mazao yatakayoleta tija kwao na kwa taifa.

Shirika la Posta Tanzania ambalo ni mdau mkubwa wa usafirishaji nchini, lilipata nafasi ya kushiriki maadhimisho hayo kwa kufanya maonesho ya siku tatu ya huduma zake na kutoa maelezo ya kina kwa wananchi namna Shirika hilo linavyozingatia usalama katika kudhibiti mianya yote ya usafirishaji wa madawa ya kulevya nchini.

Shirika limewakilishwa na Postamasta Mkuu, Bw. Macrice Mbodo aliyeambatana na Mkuu wa Kitengo cha Usalama cha Shirika, Bi. Zuhura Adam Pinde na Meneja wa Posta Mkoa wa Arusha Bw. Athumani Msilikale, pamoja na baadhi ya wafanyakazi wa Shirika hilo.



Katibu Mkuu Ofisi ya Waziri Mkuu (Sera, Bunge na Uratibu) Dkt. Jim James Yonazi (kulia) akisalimiana na Postamasta Mkuu wa Shirika la Posta Tanzania Bw. Macrice Mbodo katika kilele cha Maadhimisho ya Kitaiifa ya kudhibiti na kupiga vita matumizi ya Dawa za kulevyta Duniani tarehe 25 Juni, 2023, jijini Arusha.



Mkuu wa Mkoa wa Dar es salaam Mhe. Albert Chalamila (kushoto) akiteta jambo na Postamasta Mkuu wa Shirika la Posta Tanzania Bw. Macrice Mbodo katika kilele cha Maadhimisho ya Kitaiifa ya kudhibiti na kupiga vita matumizi ya Dawa za kulevyta Duniani tarehe 25 Juni, 2023, jijini Arusha.



Mkuu wa Mkoa wa Tanga Mhe. Waziri Kindamba (kulia) akisalimiana na Postamasta Mkuu wa Shirika la Posta Tanzania Bw. Macrice Mbodo katika kilele cha Maadhimisho ya Kitaiifa ya kudhibiti na kupiga vita matumizi ya Dawa za kulevyta Duniani tarehe 25 Juni, 2023, jijini Arusha.



Kamishina Jenerali wa Mamlaka ya Kudhibiti na Kupambana na Dawa za Kulevyta (DCEA) Bw. Aretas Lyimo (kulia) akisalimiana na Postamasta Mkuu wa Shirika la Posta Tanzania Bw. Macrice Mbodo katika kilele cha Maadhimisho ya Kitaiifa ya kudhibiti na kupiga vita matumizi ya Dawa za kulevyta Duniani tarehe 25 Juni, 2023, jijini Arusha.





**Meneja Mkoo Rasilimali za Shirika Bw. Samwel Aron Oyye akitoa wasilisho wakati wa Ufunguzi wa Mkutano Mkoo wa 25 wa Taasisi za Mawasiliano (EACO). Bwana Oyye aliambatanana Meneja wa Biashara na Usafirishaji Bi. Liku Madaki na Bw. Mashala Lufunga , Afisa Mkoo wa Mambo ya Posta Kimataifa.**

## **MKUTANO MKUU WA 25 WA TAASISI ZA MAWASILIANO AFRIKA MASHARIKI (EACO) WAFUNGULIWA**



Mkutano Mkoo wa Taasisi za Mawasiliano kwa nchi za Afrika Mashariki ulianza tarehe 26 Juni, 2023 jijini Bujumbura, Burundi.

Mkutano huo ulifanyika sambamba na mikutano ya mwaka yaani "Annual Assemblies Meetings" kwenye makundi ya Watoa Huduma za Simu (Telecom Assembly), Utangazaji (Broadcast Assembly), Mamlaka za Mawasiliano (Regulatory Assembly) pamoja na Huduma za Posta yaani "Postal Assembly".

Mkutano Mkoo hufanyika mara moja baada ya miaka miili kwa kupokezana, ukiwa na jukumu la kuandaa mikakati ya uendelezaji wa utoaji wa huduma za Mawasiliano yakiwemo ya Posta.

Mkutano huu wa 25 ulifunguliwa rasmi na Waziri wa Mawasiliano, TEHAMA na Vyombo vya Habari wa Jamhuri ya Burundi Bi. Leocadie Ndacayisaba.

Shirika la Posta Tanzania limewakilishwa na Kaimu Meneja Mkoo Rasilimali za Shirika, Bwana Samwel Aron, Kaimu Meneja Biashara ya Barua na Lojistiksi, Bi. Liku Madaki pamoja na Afisa Mkoo Mambo ya Posta Kimataifa, Bwana Mashala Lufunga.

**EACO**

# MUENDELEZO WA HISTORIA YA SHIRIKA LA POSTA TANZANIA

## SEHEMU YA PILI

### A. Historia ya Posta Katika Harakati za Uhuru

Katika kuimarisha nguvu za Chama cha Tanganyika African National Union (TANU) chini ya Mwalimu Julius Nyerere na Chama cha Wafanyakazi cha Tanganyika Federation of Labour (TFL) chini ya Bw. Rashid Mfaume Kawawa, wafanyakazi wazalendo wa Posta walikuwa na Chama chao cha "National Union of Posts and Telecoms Employees (NUPTE).



**Rashidi Mfaume Kawawa alikuwa Waziri Mkuu wa pili wa Tanganyika, Akitanguliwa na Mwl. Julius Kambarage Nyerere kuanzia tarehe 22 Januari 1962 hadi 9 Desemba 1962.**

Makao Makuu va Chama yalikuwa Dar es Salaam na kilikuwa na matawi katika ofisi zote za Posta chini Tanganyika. Hadi wakati wa Uhuru Mwenyekiti wa Chama hicho alikuwa ni Bwana Kweyamba na Katibu Mkuu Bwana Jacob Namfua ambaye baada ya uhuru aliteuliwa kuwa Mkuu wa Mkoa na Waziri.

- Malengo makuu ya NUPTE yalikuwa ni kutetea maslahi ya wafanyakazi wa Posta, lakini zaidi kuimarisha nguvu za TANU na
- TFL katika kudai uhuru ili kuondokana na sera ya ubaguzi iliyomweka mfanyakazi wa Kizungu juu, akifuaatiwa na Muasia na Mzalendo akiwa chini kimaslahi kama mishahara na marupurupu.



## B. Historia ya Posta Baada ya Uhuru

Mara baada ya Uhuru wa Tanganyika tarehe 9 Desemba 1961, huduma za Posta ziliendelea kusimamiwa chini ya Sheria iliyoanzisha Taasisi ya EAP&TA. Pamoja na mambo mengine Taasisi hii ndiyo iliyokuwa na mamlaka pekee ya kusimamia kanuni na taratibu katika huduma za Posta kwa Nchi za Kenya, Uganda na Tanganyika EAP&TA ilendelea kuwa chini ya Bodi iliyokuwa inaundwa na wajumbe wa Nchi zote tatu za Jumuia ya Afrika Mashariki.




*Bwana Joseph Mhizi Lukindo mteuliwa mzalendo kwenda nje ya nchi (Uingereza) kusomea uongozi wa ngazi ya juu katika shughuli za Posta (Senior Postal Management Course).*

Afisa Mtendaji aliendelea kuwa Postamasta Mkuu (Postmaster General), ambapo chini yake walikuwako Wakurugenzi wa 'Mikoa' ya kiposta (Regional Directors) wa Nchi za Kenya, Uganda na Tanganyika. Makao makuu yaliendelea kuwa Nairobi chini Kenya ambapo ofisi kuu ya "mkoa" wa Tanganyika ilikuwa ni Dares Salaam, katika jengo la Posta ya Sokoine (Posta ya zamani).



*Jengo la Posta Sokoine, Maarufu kama Posta ya Zamani lililokwa Makao Makuu ya Huduma za Posta kwa Nchi za Tanganyika, Rwanda, Burundi ambapo ni kitovu cha Historia ya Posta*



**MUONEKANO WA JENGO LA MAKAO MAKUU YA  
UMOJA WA POSTA AFRIKA (PAPU) JIJINI ARUSHA.**






## HABARI PICHA



**Baadhi ya Wafanyakazi wa Shirika la Posta Makao Makuu wakiwa katika Utekelezaji wa Majukumu yao**





[www.posta.co.tz](http://www.posta.co.tz)

## PATA TAARIFA NA HUDUMA ZA POSTA KUPITIA KURASA ZETU ZA MITANDAO YA KIJAMII.



*posta Tanzania*

Tu Like



@posta\_tz

Tu follow



*Tanzania Posts Corporation*

Tu Like



*posta\_tz*

Tu follow



[www.posta.co.tz](http://www.posta.co.tz)

Peruzi



*Posta Tanzania*

subscribe



+255 738 070 702

Tupigie

*Tumejipanga kukuhabarisha!*

#Posta, Twenzetu Kidijitali



**Head Office: Posta House 12th Floor, 7Ghana Street  
P.O.Box 9551, 11300 Dar es Salaam, Tanzania**

**Fax: +255 22 211 3081 | Phone: +255 22 211 33 94 / 22 211 1715 / 22 211 82 80**

**Mobile: +255 738 070 702 | Email: pmg@posta.co.tz**

**Web: [www.posta.co.tz](http://www.posta.co.tz)**

